

ҮЗЭЛ БОДОЛ

БАРИЛГЫНХНЫГ
ЗӨНГӨӨР НЬ ОРХИОЧ ЭЭ

III нүүрт

ОНИЦЛОХ ХУУДАС

V нүүрт

Улаанбаатарт: ӨНӨӨДӨР



Э.БАТ-ҮҮЛ: С.ЗОРИГИЙН ХЭРЭГТЭЙ ХОЛБООТОЙГООР НАМАЙГ ХОРЬЖ БОЛЗОШГҮЙ БАЙНА

Дугаарын 60 мөр

Цэцэрлэгийн багш
нарт сануулах зүйл
байна

Х.НОРЖИН



үед юу ч мэдээгүй учир олон түмэнд мэдээлэл өгч чадалгүй баригдаад явж байсан. Гэтэл одоо дахиад ийм нөхцөл байдал үүсч болзошгүй болоод байна” гэдгийг мэдээллийн эхэнд дуулгаж байлаа.

Хэргийн газарт
малгайгаа мартсаныг
ТОГТООСОН

Олон жил өнгөрч байгаа учир тухайн үед юу болсон түүхийг ярих нь зүйн хэрэг байх. Тэгвэл өнөөдөр юу болж байгааг ойлгоход амар байна гэж бодож байна. 1998 оны намар С.Зоригийг зэрлэгээр хөнөөсөн. Хэрэг гардаг орой гэртээ сууж байхад нийслэлийн цагдаагийн дарга Н.Ганболд намайг хамгаалалтад авч байна гэж хэлээд, хэрэг болсон газарт дагуулан очиж байсан. Очиход олон хүн бужигнаж байсан. Хамгийн сонирхолтой нь хэргийн газрыг огтоос хамгаалалтад аваагүй. Бөөн хүн бужигнасан газарт намайг авч очсон. Тухайн үед би бусадтай адил цочирдсон. Тэгээд Ц.Элбэгдоржийг ирэхэд нь хамт тэндээс гараад явсан. Харин гарахдаа малгайгаа мартаад гарсан байсан.

Үргэлжлэл нь II нүүрт

“Хүн хэлэхээс, цааш чичихээс нааш” гэж өвгөдийн мэргэн үг байдаг даа. Тэр утгаар цэцэрлэгийн багш нарт хандан өөрт тохиолдсон зүйлээр жишээ аван сануулж, анхааруулах гэсэн юм. Өнгөрсөн баасан гарагт цэцэрлэгийн бага ангид элссэн зээ охиноо авах үүрэг надад ногдлоо. Энэ тухай өвөөд нь дуулгахад тэрбээр “Би хамт явж, зээгээ авна. Ер нь та нар ямар цэцэрлэгт өгснийг нь очиж харна” хэмээн сүржигнэв. Үрийн үрийг аминаасаа ч илүү хайрладаг нь хүний хорвоогийн хамгийн сайхан зүйлүүдийн нэг байдаг юм хойно доо. Ингээд л эмээ, өвөө нь хоёр талаасаа уулзалдан “Заавал эцэг эх хоёрт нь өгч явуулдаг журамтай гээд өгөхгүй байвал яана аа. Хүргэн цэцэрлэгтэй гэрээ байгуулахдаа “Эцэг эх хоёроос гадна ийм ийм хүмүүс авч болно гээд хоёр талын эмээ өвөөгийнх нь нэрсийг өгсөн байх ёстой” гэхчилэн элдэв таамаг дөвшүүлсээр цэцэрлэг дээр ирлээ.

Үргэлжлэл нь II нүүрт

Ж.ОТГОН

С.Зориг агсны хэрэгт холбогдуулан Нийслэлийн Ардчилсан намын дарга Э.Бат-Үүлийг яллагдагчаар татсан байна. Тэрбээр энэ талаар “Өнөөдөр намайг олон жилийн дараа дахин

С.Зоригийг зэрлэгээр хөнөөсөн хэрэгт яллагдагчаар Эрүүгийн болон Эрүүгийн байцаан шийтгэх хууль зөрчиж, дахин холбогдуулах үйл ажиллагаа эрч хүчээ аваад байна. Намайг хууль зөрчиж, хорихыг хүртэл шаардаж байгаа талаар мэдээлэл аваад

байгаа. Тиймээс тун удахгүй хорих хүртэл нөхцөл байдал үүсч болзошгүй байгаа учир та бүхэнд энэ талаар мэдээлэл өгөхийг хүссэн юм. Намайг ямар ч гэмгүй байхад 2000 онд хуулийн наад захын шаардлагуудыг зөрчин ганц худагтаваачиж, хорьж байсан. Битухайн



ИЛҮҮ ИХИЙГ БҮТЭЭХ ХҮЧ

INSPIRON 5000 SERIES



БИД ТАНЫ АЖЛЫГ ХӨНГӨВЧИЛНӨ

Inspiron 15 5000 загварын нөүтбүүкүүд нь таны хэрэгцээнд тохируулсан Full HD дэлгэц, гайхалтай график үзүүлэлт, Intel® Core i5 процессортой учир таны төсөөлснөөс ч илүүг бүтээж чадна.

Онцгой урамшуулал

Dell брэндийн нөүтбүүк худалдан аваад Targus брэндийн үүргэвчийг бэлгэнд аваарай.



Бэлгэнд

- Үүргэвч
- 2 жилийн баталгаа
- McAfee вирусын програм

www.facebook.com/PCmallOfficial
www.instagram.com/PCmall_Official

Биднийг дагаарай 7575-3535

Хаяг: PC Mall төв: Их сургуулийн гудамж 31/1, Ш/Х: 346, Улаанбаатар - 14193, Сүхбаатар дүүрэг - 8

ХААН банк

	Авах	Зарах		Авах	Зарах
АМ.ДОЛЛАР	2228.00	2243.00	ФУНТ	2907.00	3000.00
ЕВРО	2469.00	2552.00	РУБЛЬ	33.20	36.10
ИЕН	21.48	22.05	ЮАНЬ	332.00	336.50

Худалгаа хөгжлийн банк

	Авах	Зарах		Авах	Зарах
АМ.ДОЛЛАР	2226.00	2243.00	ФУНТ	2922.00	3015.00
ЕВРО	2475.00	2555.00	РУБЛЬ	33.32	36.40
ИЕН	21.45	22.22	ЮАНЬ	332.00	336.90

Өчигдрийн 19.00 цагийн байдлаар

ҮЗЭЛ БОДОЛ

ӨНӨӨДРИЙН ТОП ИШЛЭЛ



Õàḍààḍàé
 õ¿ì ¿¿ñ ÿàãàä
 íîì óíøääã¿éã
 àè î éëãî äî ãñ¿é

А.Сайханцэцэг

ҮЗЭЛ БОДОЛ



Гэрэл зурагийг Г.АРГУУЖИН

БАРИЛГЫНХНЫГ ЗӨНГӨӨР НЬ ОРХИОЧ ЭЭ

...Тэгвэл одоо сардаа 600-700 мянган төгрөг төлчих боломжтой хүмүүс рүү хандсан бодлого хэрэгжүүлэх цаг болсон юм биш үү. Өөрөөр хэлбэл, таван жилийн хугацаатай хүүгүйгээр төлбөрөөр төлөх нөхцөлтэй байж болно. 60-70 саяын үнэтэй 40 орчим ам.метр байрыг ийм хугацаанд хуваагаад төлчих боломжтой өрх гэр бас байж л байгаа...

харж үнэг турж үхэв” гэдэг шиг юм болох вий дээ. Түүний оронд өөрсдөө энэ хүндрэл, бэрхшээлийг давах гарц хайвал яасан юм.

Үнээ бууруул

Нэг үеэ бодвол орон сууцны ам.метрийн үнэ хямдарч байгаа гээд л байгаа. Гэвч яг начир дээрээ буурсан юм алга. Барилгын салбарынхан хямраагүй юм шиг л үнээ буулгахгүй гүрийж байна. Юун 20 мянган байр эзнээ хүлээх. Худлаа юм биш үү. Үнэхээр зарагдахгүй байгаа бэлэн орон сууц тийм их байгаа бол орон сууцны үнэ дунджаар хоёр сая руу орох ёстой биз дээ. Гэтэл өнөөдөр орон сууцны үнэ дунджаар ам.метр нь 2.4 сая төгрөг байна. Гэтэл барилгын салбарын өнгөрсөн долоо хоногт чуулахдаа орон сууцны нэг ам.метрийг 900 мянган төгрөгөөр босгож байгаа гэж өөрсдөө хэлсэн байна билээ. Гэтэл зах зээл дээр хамгийн багадаа 1.2 саяаас цаашлаад 3-4 сая хүргэлх төгрөгөөр зарж байна. 1.2 сая гэдэг бол төлбөрөөр 100 хувь бэлнээр өгсөн тохиолдолд л үйлчлэх үнэ. Тэгээд хотын захын орон сууцанд шүү. Өнөөдөр шууд 40-50 сая төгрөг гаргаад, төлбөрөөр бэлэн төлөөд байранд орчих хүн Монголд хэд билээ. Байгаа л даа, гэхдээ тэд аль хэдийн орон сууцтай болчихсон. Нөгөө талаар боломжтой хүмүүс хэзээ ч хотын захад, бүх юмнаасаа хол

газар байр авахгүй л байхгүй юу. Хүн бүрийн сонирхож байгаа, арай нэг төвдөө ойр орон сууцны үнэ ам.метр нь 1.8-2.0 сая төгрөг байна. За тэгээд хотын төвдөө бол дийлдэхгүй. Ийм байхад яаж бага, дунд орлоготой иргэд байранд орох хэрэгцээгээ хангаж, бэлэн болчихоод байгаа орон сууц зарагдах вэ дээ.

Барилгачдаас хэрэглэгч рүү

Өнөөдөр орон сууц авах гэж байгаа иргэд арилжааны банкнаас найман хувийн зээл авч байгаа. Олон жилийн хугацаатай, маш өндөр шалгууртай. Өнөөх зээл авахааргүй баян гэдгээ баталж байж зээл авдаг гэдэг шиг. Яахав, банкууд эрсдэлгүй л ажиллах гэдэг биз. Тэгвэл одоо тэр банкны шалгуурыг чинь давах хүн олдохоо болилоо. Тиймээс барилгын компаниуд өөрсдөө шууд хэрэглэгч рүү хандсан хөтөлбөр гаргаж, бодлого хэрэгжүүлэх цаг болсон юм биш үү. Тухайлбал, “Эко констракшн” компани гэхэд гурван жилийн хугацаанд төлбөрөө хүүгүйгээр хувааж төлөх нөхцөлтэйгээр орон сууцаа борлуулж байна. Мэдээж ийм аргыг хэрэглэж байгаа компани цөөнгүй бий. Эхний ээлжинд 30 хувиа төл, тэгээд 20, 30, 20 гэдэг ч юм уу. Янз бүрийн л арга хэрэглэж байна. Энэ мэт бодлогууд зарим хүмүүст тун таатай байгаа. Зарим гэдэг нь, харьцангуй орлого сайтай,

сардаа 1.5-2.0 сая төгрөг өлхөн төлчих боломжтой хүмүүс гэсэн үг л дээ. Тэгвэл одоо сардаа 600-700 мянган төгрөг төлчих боломжтой хүмүүс рүү хандсан бодлого хэрэгжүүлэх цаг болсон юм биш үү. Өөрөөр хэлбэл, таван жилийн хугацаатай хүүгүйгээр төлбөрөө төлөх нөхцөлтэй байж болно. 60-70 саяын үнэтэй 40 орчим ам.метр байрыг ийм хугацаанд хуваагаад төлчих боломжтой өрх гэр бас байж л байгаа. Цаашлаад барилгын компаниуд өөрсдөө жилийн 3-5 хувийн хүүтэй зээл өгч бас болно шүү дээ. Магадгүй урьдчилгаа нь 10 хувь байсан ч болно. Ийм зээлэнд эрсдэл гэж бараг байхгүй. Тухайн хүн зээлээ төлж дуусгал байрны гэрчилгээ компанийн мэдэлд байж байх юм чинь. Тэгээд ч нэгэнт орон байртай болсон хүмүүс яаж ийж байгаад сардаа хэдэн төгрөг төлөөд байж чадна. Сард 400-500 мянган төгрөг төлөөд, байр хөлсөлж байгаа залуу гэр бүл өнөөдөр Улаанбаатараар дүүрэн байна. Тэд байр хөлсөлж дийлээд байгаа юм чинь лизингээ дарж чадалгүй л яахав. Тиймээс одоо заавал ипотекийн зээлийн санхүүгийн эх үүсвэр баттай болохыг хүлээж суулгүй өөрсдөө гарц хайж, гарч олсон нь илүү боловсронгуй болгож, бага, дунд орлоготой иргэд рүү чиглэсэн нь дээр юм биш үү. Хажуудаа ББСБ байгуулчихаад ажиллаж байгаа компани ч байж л байна. Хэрвээ энэ бүхэн хамаагүй гэвэл эдийн засаг сэргэтэл байраа хав дараад л байж байхаас өөр яахав.

Н.ПУНЦАГБОЛД

Монгол Улсын тэргүүлэгч салбарын нэг нь барилга. Тэгвэл тэргүүлэгчдийн эгнээнд багтдаг энэ салбарт 2016 оны эхний хагас жилийн байдлаар ойролцоогоор 20 мянга орчим орон сууц эзнээ хүлээж, 765 тэрбум төгрөг түгжигдээд байгаа юм. Ийм олон орон сууц эзнээ хүлээж байгаа гэсэн үг. Харамсалтай нь авах хүн байхгүй болчихсон. Дээрээс нь орон сууц борлогдоход хамгийн их нөлөөлж байсан ипотекийн зээлийн хурд саарчхлаа. Жилийн найман хувийн зээлээр орон сууц авах боломжтой, урьдчилгаагаа цуглуулчихсан, банкны шалгуурыг давах хүмүүс нь аль хэдийн орон сууцанд орчихсон. Жил ирэх тусам ипотекийн зээлд хамрагдаж, урьдчилгаа 30 хувиа

төлөөд, банкны шалгуураа даваад, хэт хөөрөгдчихсэн үнэтэй байр авах хүний тоо цөөрч байна. Ядаж байхад ярь гэжээр Монголбанкнаас саяхан ипотекийн таван хувийн зээлийг санхүүжүүлэх боломжгүйгэдгээ мэдэгдчихлээ. Мөн найман хувийн зээлд зарцуулах ёстой хөрөнгө мөнгийг арилжааны банкууд өөр зорилгоор ашигласан гэсэн гомдол гарсан учир түр зогсооход хүрээд байгаа аж. Улмаар төв банк шалгалтаа хийгээд явж байна, удахгүй үр дүн нь тодорхой болох байх. Засгийн газар болон БХБЯ-наас найман хувийн зээлийг ч олгоно. Таван хувийн зээлийг ч явуулна гэх маягийн юм яриад байгаа. Харин зээлийг санхүүжүүлэх эх үүсвэр нь хаана ч байгаа юм, бүү мэд. Улс орон хямарлаа, өрөө төлж дийлэхгүй нь, төсвөө чадах чинээгээр хасах

ёстой, бүсээ тултал чангалъя гэж байгаа энэ үед ипотекийн зээлийг санхүүжүүлэх хөрөнгө байх уу. Нөхцөл байдал нэг иймэрүү, хүндхэн л байна. Нөгөө талаар Засгийн газар ямар нэг арга олоод, таван хувийн зээлийг явууллаа гэж бодъё. Гэтэл арилжааны банкуудын хүнд шалгуурыг давж гарах хүн манайд хэд үлдсэн билээ. Өнөөдөр найман хувийн зээл хэвийн үргэлжилж байгаа гэдэг ч арилжааны банкууд өгч байгаа бил үү. Эдийн засаг хүндэрсэн гээд олгохоосоо олгохгүй нь их байгаа. Олгосон ч дааж давшгүй их шаардлага тавьж байгаа шүү дээ. Дээрээс нь эдийн засагчид болсон гэж зөвлөөд байгаа. Ийм байхад барилгын компаниуд, барилга захиалагчид төрийг харж суухын хэрэг байна уу. Ёстой нөгөө “Бухын доодохыг

МОНГОЛЫН МЭДЭЭ

Манай сонины IV улирлын захиалга үргэлжилж байна

Улирал

64

Аугаар

Захиалгын үнэ 18000

Монгол шуудан: 70078977
 ҮБ шуудан: 70121027
 Саяр пост: 70121294
 Түгээмэл шуудан: 70115025

ОНЦЛОХ ХУУДАС

МАНдуулах ТӨЛӨВЛӨГӨӨ БАТЛАГДЧИХЛАА ХАРИН ОДОО...

Эсрэг тэсрэг байр суурь

Д.Хаянхярваа: Мөрийн хөтөлбөрийг ном дүрмийн дагуу хийсэн



/МАН-ын бүлгийн дарга, УИХ-ын гишүүн/

“Өнөөдрийн эдийн засаг юун мөрийн хөтөлбөр хэрэгжүүлэхтэй мантай байна. Мөрийн хөтөлбөрөө хэрэгжүүлнэ гэж хэлэхэд бэрх эдийн засагтай болчихоод байгаа. Мөнгө, хөрөнгө, санхүү өнөөдөр бидний тооцоолж байснаас үнэхээр доогуур байна. Ганцхан жишээ хэлэхэд, АН-ынхан өнгөрсөн 6-7 дугаар сард гэхэд нэг их наяд гаруй төгрөгийг хууль бусаар зарчихсан. Тэр нь өнөөдөр төсөв дээр ачаа болоод сууж байна. Төсвийн алдагдал их байгаа. Бид ирэх жил зөвхөн төсвийн алдагдлаа нөхөж, зээлийн төлбөрөө өгөхөд төсөв хүрэхгүй болчихоод байна. Ийм байдалтай байгаа гэхэд харин ч бид сайжруулна, болгоно, хийнэ гээд бүх зүйлийг мөрийн хөтөлбөрт тусгаж өгсөн. Мөрийн хөтөлбөрөө МАН хэрэгжүүлнэ. 2016, 2017, 2018 онд жаахан хүнд жилүүд байж магадгүй. Тиймээс мөрийн хөтөлбөрийн хэрэгжих заалтууд хугацааны хувьд зарим нэг нь хойшоо шахагдах асуудал гарахыг бид үгүйсгэхгүй. Яагаад гэвэл эхний ээлжинд унаж, доройтчихсон байгаа эдийн засгаа жаахан тогтворжуулж хэрэгтэй. Уналтаа зогсоож, эдийн засгийн боломжтой болмоор байна. Агуулгын хувьд бүх зүйл Засгийн газрын мөрийн хөтөлбөрт тусгагдчихсан.”

...эхний ээлжинд унаж, доройтчихсон байгаа эдийн засгаа жаахан тогтворжуулж хэрэгтэй. Уналтаа зогсоож, эдийн засгийн боломжтой болмоор байна. Агуулгын хувьд бүх зүйл Засгийн газрын мөрийн хөтөлбөрт тусгагдчихсан...

...С вирусны голомтыг устгана гээд цагаан дээр хараар бичсэн заалт, малчны зээлийн хүүг буруулна, гэр хорооллын дэд бүтцийн асуудал, түрээсийн орон сууцны бодлогыг үргэлжлүүлнэ гэх зэрэг заалтууд байхгүй болчихоод байгаа...



Л.Болд: Мөрийн хөтөлбөрт иргэдийн саналыг ихээр авсан заалтууд орохгүй

/УИХ-ын гишүүн/

“МАН-ынхан мөрийн хөтөлбөрөө ард түмэн ярьж, таниулж, ухуулан ард түмний саналыг авсан. Тиймээс ч өнөөдөр төрийн өндөрлөгт суусан гэж ойлгож байгаа. Дараагийн дөрвөн жилийн үйл ажиллагааны хөтөлбөрийн тайлбарт эхний хоёр жил жаахан хүнд байна. Учир нь өмнөх Засгийн газрын үед хүндэрчхсэн гэсэн байгаа. Сүүлийн хоёр жил сайхан болно гэх. Гэтэл мөрийн хөтөлбөрт сайн, муу бүх зүйлээ багтаагаад л хэрэгжүүлэх ёстой гэж ойлгоод байгаа. Харин энэ удаагийн хөтөлбөрт МАН-ын мөрийн хөтөлбөр бүрэн туссан юм уу гэхээр 90 хувийг тусгасан байгаа. Харин 10 хувь нь шаардлагагүй гэж үзсэн гэдэг хариуг эрх баригчид өгөөд байгаа. Тэгэхээр нь үйл ажиллагааны мөрийн хөтөлбөр, сонгуулийн мөрийн хөтөлбөрийг харьцуулаад үзэхээр 10 хувьд нь маш чухал заалтууд нь үлдчихсэн байна. Тодруулбал, боловсролын зээлийн сан буюу оюутны зээлийн асуудал, хүүхдийн мөнгийг хүүхэд бүрт олгох, цалинтай ээж, тэтгэвэр тэтгэмжийг нэмэх асуудал, тэтгэвэрийн зээлийн хүүг бууруулах, орлого багатай иргэдийг дэмжих зэрэг иргэдийн саналыг ихээр авсан заалтууд орохгүй байна. Түүнчлэн С вирусны голомтыг устгана гээд цагаан дээр хараар бичсэн заалт, малчны зээлийн хүүг буруулна, гэр хорооллын дэд бүтцийн асуудал, түрээсийн орон сууцны бодлогыг үргэлжлүүлнэ гэх зэрэг заалтууд байхгүй болчихоод байгаа. Эдгээр тусгагддаггүй байна гээд асуухаар ямар нэгэн хэлбэрээр орчихсон гэж бүх амлалтаа унагаагаад байна. Ингэж амлалтаа унагаад байгаа нь ард иргэдээ хуурсан явдал. Намын мөрийн хөтөлбөрт “Оюутан бүрийг хамруулах” тухай байгаа бол Засгийн газрын үйл ажиллагааны мөрийн хөтөлбөрт “дэмжинэ, өргөжүүлнэ, нэмэгдүүлнэ” гэх зэрэг ялгаварласан зүйл батлагдчихлаа. Энэ мэт сул үйл үгээр амлалтаасаа буцаж байна.”

Сэтгүүлчийн дүгнэлт “РОМАНТИК” ХӨТӨЛБӨРҮҮД АМЬДРАЛД БУУХ НЬ

Ж.МЯГМАР

Монгол Улсын Засгийн газрын 2016-2020 оны үйл ажиллагааны хөтөлбөр батлах тухай УИХ-ын тогтоолын төслийн эцсийн хэлэлцүүлгийг хийж баталлаад байгаа. Сөрөг хүчний зүгээс МАН-ын амлалтуудыг мөрийн хөтөлбөрт тусгагдсан томъёоллоор нь Засгийн газрын мөрийн хөтөлбөрт тусгуулахаар нэлээд хүчин чармайлт гаргасан ч бүтэлгүйтсэн юм. Тухайлбал, УИХ-ын гишүүн Л.Болд “МАН-ын мөрийн хөтөлбөрт туссан оюутан бүрийг тэтгэлэгт хамруулах заалт нь Засгийн газрын энэ хөтөлбөрт зааснаас илүү сайн томъёоллолттой байгаа юм. Үүнийг та бүхэн дэмжвэл Оюутны холбооны ерөнхийлөгч байсан хүний хувьд баярлах байна” хэмээн санал гаргасныхаа дараа залуу гишүүн Н.Цэрэнбатад хатуу зэмлүүлээд авсан юм. УИХ-ын залуу гишүүн Н.Цэрэнбат “Та үсээ цайтал Монголын төрд зүтгэсэн, тулхтай түшээ мөн. Та Монголын Оюутны холбоог өдий зэрэгтэй явахад гар оролцсон хүний хувьд ингэж ярьж болохгүй ээ. Таны хэлээд буй зүйлс Засгийн газрын үйл ажиллагааны төлөвлөгөөнд орно. Та туршлагатай, ахмад, буурал түшээ хүний хувьд микрофон харахаараа ингэж болохгүй шүү” хэмээн чуулганы танхим зандрал авсан. Угтаа бол МАН-ын мөрийн хөтөлбөрт багтсан “халамжийн” шинжтэй хэд хэдэн заалтуудын нэг болох “оюутан бүрийг сургалтын зээлд хамруулах” тухай заасан байдаг. Харин Засгийн газрын үйл ажиллагааны мөрийн хөтөлбөрт “дэмжинэ, өргөжүүлнэ, нэмэгдүүлнэ” гэх зэрэг ялгаварласан зүйл батлагдчихлаа гэдгийг хэлснийхээ төлөө Л.Болд гишүүн УИХ-ын залуу гишүүнд буурал үстэй, ахмад хүн байж аятайхан бай хэмээн “загнуулаад” авсан. Түүнчлэн хүүхдийн мөнгийг 60 хувьд олоно, 40 хувьд яваандаа олгох, цалинтай ээж, эрчим хүчний үнийг бууруулах, залуусыг орон сууцаар хангах хөтөлбөр зэрэг олон асуудал хурцаар яригдсан ч тусыг эс олж, гишүүд олонхоороо хүч түрэн Засгийн газрын мөрийн хөтөлбөрөө батлаад авлаа. Гэхдээ өрийн таазыг нэмэгдүүлэн, зээл авч, бүтээн байгуулалтыг зогсоож, “Стэнд бай” хөтөлбөрт хамрагдан, эдийн засгаа “нүдээ бүлгнэ” чангалуулсан хатуухан он жилүүд монголчуудыг утгаж байгаа бололтой. Тиймээс “халамжийн” шинжтэй зарим амлалтуудаасаа татгалзсан нь зөв ч байж болох юм. Тэгээд ч энэ удаагийн Засгийн газрын үйл ажиллагааны мөрийн хөтөлбөрийг төсөвтэйгөө уялдаж чадаагүй гэдгийг мэдэх хүмүүс хэлж буй. Гэсэн хэдий ч эрх баригчид сонгуулийн үеэр амласан учир хэрэгжих эсэх нь тодорхойгүй амлалтуудаа мөрийн хөтөлбөртөө багтаасан. УИХ-ын гишүүн Ж.Батзандангийн хэлсэнчлэн “Насны хишиг”, “Ач санах”, “Нутгийн зон”, “Жаргалтай ээж” гээд романтик хөтөлбөрүүд Засгийн газрын үйл ажиллагааны мөрийн хөтөлбөрт тусгагдчихлаа. Тиймээс одоо хэрэгжих эсэхийг л хүлээх үлдлээ. Юутай чсөрөг хүчний хувьд МАН-ынхан Засгийн газрын мөрийн хөтөлбөртөө чухал заалтуудаа тусгаж чадаагүй, сонгогчдыг хуурсан хэмээн дүгнэж буй. Харин эрх баригчдын зүгээс эдийн засаг хямралтай энэ жилүүдэд харин ч мөрийн хөтөлбөртөө хэрэгжиж болох бүх амлалтуудаа боломжийн хэмжээнд тусгаад өгчихсэн хэмээн дүгнэлээ.

Б.Пүрэвдорж: Засгийн газрын үйл ажиллагааны мөрийн хөтөлбөрийг дэндүү бөөрөнхий байна

/УИХ-ын гишүүн/

“2016 оны сонгуулийн МАН-ын мөрийн хөтөлбөр гайхамшигтай сайхан байсан. Бүх ард түмэнд буюу бүх төвшинд асуудлыг нь шийдэхээр АН-ын хэрэгжүүлж байсан зүйлүүдийг илүү давуулан биелүүлэхээр байсан. Гэтэл Засгийн газрын үйл ажиллагааны мөрийн хөтөлбөрийг харж байхад дэндүү бөөрөнхий байна. Дэмжиж ажиллана, зүтгэх болно гэсэн байдлаар тусгаж байгаад бид харамсаж байна. АН 2012 онд Засаг авахдаа хоёр тэрбумын зээлтэй хүлээн авч байсан. Тэглээ гээд АН арагшаа харж улстөржөөгүй. Гэтэл энэ удаагийн Засгийн газрын мөрийн хөтөлбөрт ямар ч эдийн засгийн бодлого алга.”

Л.Энх-Амгалан: Ирэх дөрвөн жилд зорилтуудаа хэрэгжүүлнэ

/УИХ-ын гишүүн/

“Бид хүн амынхаа бүх давхаргад хүрсэн бодлого явуулахаа амласан. Сургуулийн өмнөх насны хүүхдүүдийн цэцэрлэгийн хангамжийг ирэх дөрвөн жилд шийдвэрлэх, хүүхдүүдийн сурах орчин, сурах бичгийн хүрэлцээ, багш нарын чадварыг дээшлүүлэх зорилтуудыг тавьсан. Мөн их, дээд сургууль төгсөгчдийг ажлын байраар хангах, оюутан нь өөрөө боловсролынхоо зээлийг авч, зээлээ өөрөө төлдөг байх, төгсөгчдийг ажлын байраар хангах, ахмадуудын тэтгэвэр тэтгэмж нь амьдрал ахуйд нь хүрэлцдэг байх, нийт иргэдээ жил бүр эмчилгээ оношлогоонд хамруулах гээд том зорилтууд бий. Энэ зорилтуудаа Засгийн газрынхаа мөрийн хөтөлбөр болгож баталлаа. Засгийн газар мөрийн хөтөлбөр болгоод баталчихсан учраас бид ирэх дөрвөн жилд зорилтуудаа хэрэгжүүлнэ. Гэхдээ энэ мөрийн хөтөлбөрийг хоёр үе шаттай хэрэгжүүлнэ. Яагаад гэвэл өнөөдрийн нийгэм, эдийн засагт үүссэн хүндрэл, бэрхшээлийг бид 2018 оны дунд үе хүртэл хугацаанд давж гаръя. Эхний хоёр жилд бид уналтаас гаръя. Тэгээд 2018 оноос 2020 он хүртэл бид нийгмийн салбарт амласан амлалтуудаа биелүүлнэ. Хамгийн чухал нь бид намынхаа сонгуулийн мөрийн хөтөлбөрийг Засгийн газрын мөрийн хөтөлбөр болгоод авч байгаа нь чухал алхам. Сонгуулиар амлаж байсан бүх амлалтууд биелэх шатандаа орж байна. Малчдын тэтгэврийн насыг таван жилээр наашлуулах, малчдын тэтгэврийн зээлийн хүүг бууруулах, эрүүл мэнд тусламж үйлчилгээний хүрэлцээ, чанарыг шинэ шатанд гаргах эдгээр зорилтуудаа УИХ-ын НББСШУ-ны байнгын хорооны хувьд хэрэгжүүлээд явна. Ирэх саруудад малчны тэтгэврийн зээлийн хүүг бодитоор бууруулах боломж харагдаж байна. Мөн 1072 ширхэг хувьцааны асуудлыг шийднэ. Тавантолгойн ордыг эдийн засгийн эргэлтэд оруулах, ирээдүйд иргэд маань хувьцааныхаа үнэ цэнийг хүртэх гээд хийж хэрэгжүүлэх ажил олон байна. Хүүхдийн мөнгийг үндсэндээ 60 хувь хасчихлаа гэж шүүмжилж байна. Хасаагүй. Яг өнөөдөр хүүхдийн мөнгө шаардлагатай 60 хувьд нь өгье. Үлдсэн 40 хувьд нь хуримтлал үүсгээд 2019 оноос өгөх боломжтой болно гэсэн үг.”

ДЭЛХИЙ

Танзанид газар хөдөллөө

Африкийн Танзани улсын баруун хойд хэсэгт өнгөрөгч бямба гарагийн 15.27 цагт 5.7 магнитудын хүчтэй газар хөдөлсний улмаас 16 хүн нас барж, 253 хүн хүнд, хөнгөн гэмтжээ. Газар хөдөлтийн голомт Викториа нууртай залгаа орших баруун хойд тэгээдийн Нсунгагаас зүүн тийш 25 км-т байсан бөгөөд гүн 40 км-т байсан аж. АНУ-ын геологийн судалгааны хүрээлэнгээс мэдээлснээр газар хөдөлтийн чичиргээн тус улстай хиллэдэг Руанда, Бурунди, Уганда, Кени зэрэг улсад мэдрэгдсэн байна. Газар хөдөлтийн голомттой ойролцоо Букобагийн бүс нутаг хамгийн их хохирол амссан бөгөөд 800 гаруй байшин барилга нуржээ. Угандад ч гэсэн олон тооны байшин барилга эвдэрч сүйдсэн гэдгийг албаны эх сурвалж онцолсон байна. Гэхдээ Букобагаас 1400 орчим км-т орших Танзани улсын нийслэл Дар ес Салаамд одоогоор ямар нэг хохирлын талаарх мэдээлэл бүртгэгдээгүй байгаа ажээ.

Эрдоган орон нутгийн удирдлагуудаа ажлаас нь чөлөөлж эхэллээ

Туркийн Засгийн газар өнгөрсөн долдугаар сарын 15-ны өдөр зарим цэргийнхний төрийн эргэлт хийх оролдлоготой холбогдуулан олон мянган хүнийг баривчлан саатуулснаас гадна төрийн алба хаагчдыг олноор нь ажлаас нь халаад буй. Тэд АНУ-д орогнож буй лалын шашны бүлэглэлийн тэргүүн Фетуллах Гюленг тус эргэлтийг хөшигний араас удирдсан хэмээн хардаж байгаа юм. Тэгвэл тус улсын Засгийн газар мөн хэрэгт холбогдуулан Курдын эвсэгт босогчид болон Фетуллах Гюлентай холбоотой гэх үндэслэлээр орон нутгийн засаг захиргааны 28 удирдлагаа ажлаас нь халж, оронд нь өөр хүмүүсийг шинээр томилжээ. Албан тушаалаасаа огцорсон орон нутгийн удирдлагууд ихэвчлэн курдууд хүн амын олонхийг эзлэх засаг захиргааны нэгжийн засаг дарга нар байжээ. Тодруулбал, Диярбакыр хотын Сур дүүрэг, Силван, Мардин, Нусайбин зэрэг гол гол хот, дүүргийн засаг дарга нар үүнд багтсан байна. Туркийн Дотоод хэргийн яамны мэдээгдэлд дурьдсанаар, ажлаасаа халагдсан 28 албан тушаалтны 24 нь Курдын босогчидтой холбоотой нь нотлогдсон бол дөрөв нь цэргийн эргэлтийг удирдсан Гюлены хамсаатнууд байсан гэнэ. Гэхдээ АНУ-д орогнож буй шашин судлаач Гюлен уг хэргийг үгүйсгэж байгаа юм.



СОЛОНГОСЫН ХОЙГ “ДАЙНЫ БЭЛЭН БАЙДАЛ”-Д ШИЛЖЛЭЭ

Б.ДАВААХҮҮ

БНАСАУ өнгөрсөн долоо хоногт тав дахь цөмийн зэвсгээ туршсан. Орон нутгийн эх сурвалжийн мэдэгдсэнээр энэ туршилтаар Пхеньяны цөмийн мэргэжилтнүүд баллистик пуужинд тохирох цөмийн хошууг бий болгож чадсан гэх. Тэгвэл эдүгээ дахин цөмийн зэвсэг туршихаар бэлтгэлээ базааж буйг АНУ, БНСУ-ын тагнуулынхан олж мэдсэнээр солонгосын хойгийн байдал түгшүүртэй болж эхэллээ. БНСУ-ын Батлан хамгаалах яамнаас өчигдөр хэвлэлийн хурал зарлаж, солонгосын хойгийн байдал урьд өмнө нь байгаагүй хамгийн муу төвшинд хүрснийг онцолжээ. Пхеньян тав дахь удаагийн цөмийн зэвсгээ туршсантай холбогдуулан Сөүл онц байдал зарлаж, ажиглалтаа чангатгаж БНАСАУ-ын цөмийн мэргэжилтнүүдийн алхам бүрийг хянаж байгаа юм.

Өнгөрсөн баасан гарагт Ким цөмийн зэвсгээ туршсаны дараа БНСУ-ын Батлан хамгаалахын сайд парламентын хуралдаан дээр “Энэ удаа

цөмийн зэвсэг туршсан талбайгаас өөр талбайд тэд бэлтгэл базааж байгааг үнэлж тогтоосон” хэмээн мэдэгдсэн юм. Тэрбээр мөн БНАСАУ-ын зүүн хойд этгээд дэх Умар Хамгён аймгийн Пункёри гэх газар дахь талбайд шинээр цөмийн зэвсэг туршихаар бэлтгэлээ базааж байгаа тухай дурьдаж, анхааруулжээ. Тэгвэл өчигдөр тус яамны төлөөлөгч Мүн Сан Гюн салбарын сайдын хэлсэн үгийн талаар дэлгэрэнгүй мэдээллийг хэвлэлийнхэнд өгсөн байна. Тодруулбал, Хойд Солонгос хамгийн анхны цөмийн зэвсгийн туршилтаа нэгдүгээр тунельд гүйцэтгэсэн бол 2-5 дахь туршилтыг хоёр дахь тунельд туршчээ. Харин эдүгээ хоёр дахь тунелийн ойролцоо буюу өөр талбайд цөмийн туршилт хийхээр

бэлтгэж байгаа аж. Иймээс Өмнөд Солонгосын цэргийнхэн Пхеньяны цөмийн зэвсэг ашиглан түрэмгийлж болзошгүй аюулаас сэрэмжлэн бүх бэлтгэлийг ханган дайны бэлэн байдалд шилжиж, ажиглалтаа чангатгажээ.

Гэхдээ хамгийн ноцтой нь БНСУ-ын Батлан хамгаалах яам Пхеньяны цөмийн зэвсэг туршсаныг эсэргүүцэн харигуу нь барих зорилгоор ирэх сарын 10-наас эхлэн зургаан өдрийн хугацаанд Солонгосын хойгийн шар тэнгист цэргийн сургуулилт хийхээр болсон явдал байв. Солонгосын хойгт үүссэн нөхцөл байдлын талаар мэдээлэхдээ цэргийн албаны эх сурвалж энэ талаар онцолсон байна. Энэхүү цэргийн сургуулилыг АНУ, БНСУ-ын тал хамран зохион байгуулах бөгөөд АНУ-ын талаас нисэх онгоц тээвэрлэгчүүд ч мөн оролдох ажээ. Түүнчлэн, ойрын хугацаанд АНУ-ын стратегийн бөмбөгдөгч онгоц Солонгосын хойг тийш хөдөлнө гэдгийг албаныхан онцолжээ. Өнгөрсөн наймдугаар сард Солонгосын хойгт АНУ, БНСУ-ын түүхэнд байгаагүй томоохон хамтарсан цэргийн сургуулилт зохион

байгуулагдаж байсан бөгөөд энэ үед Пхеньяны зүгээс “АНУ цэргийн өдөөн хатгалга” явуулж байгааг онцлон даруй зогсоохыг сануулж байсан. Түүний дараа Японы тэнгисийн зүг баллистик пуужин харваж анхааруулга өгч байсан билээ.

Хоёр Солонгосын байдал хурцдсан энэ үед АНУ дахин БНСУ-тай хамтарсан цэргийн сургуулилт хийснээр хойгт урьдчилан тооцоолоогүй нөхцөл байдал үүсч болзошгүй байна. Үүнээс гадна Пхеньян дараагийн туршилтаа хэзээ хийх, тус зэвсэг нь хэр хор хөнөөлтэй болох нь БНСУ төдийгүй, бүс нутгийнхныг айдас автуулж байгаа юм. Нөгөө талаар, өнөөдрөөс НҮБ-ын Аюулгүйн зөвлөлийн хуралдаан эхэлнэ. Энэ хуралд БНАСАУ-ын Гадаад хэргийн сайд оролцох бөгөөд тэрбээр хуралдаан дээр улсаа төлөөлөн тайлбар хийх аж. Зарим ажиглагчдын таамаглаж буйгаар Ли сайд Пхеньяны цөмийн туршилт “АНУ-ын цөмийн аюулын эсрэг арга хэмжээ” хэмээн онцолж, цөмийн туршилтаа зөвтгөхөөс гадна цөмийн зэвсгийн хөгжүүлэлтийн талаар мэдээлэх гэнэ.

Хиллари Клинтон уушигны хатгалгаа тусчээ



АНУ-ын Ерөнхийлөгчийн сонгуульд Ардчилсан намаас нэр дэвшиж буй Хиллари Клинтон уушигны хатгалгаа тусчээ. Тэрбээр Нью-Йорк хотод зохион байгуулагдсан 2001 оны есдүгээр сарын 11-ний терроризмын гашуудлын ёслолд оролцсон хэдий ч, бие нь муудсаны улмаас дуусгаж чадалгүй гэртээ харьсан байна. Тэгвэл түүнийг эмчлэгч эмч нь хэд хоногийн өмнө түүнийг уушигны хатгалгаа туссан гэж оношлогдсон талаар хэвлэлийнхэнд ярьжээ. Түүнчлэн, одоогоор биений байдал нь өмнөхөөсөө дээрдэж буйг онцолсон байна. АНУ-ын Ерөнхийлөгчийн ээлжит сонгууль болоход ердөө найман долоо хоногийн хугацаа үлдээд буй. Гэвч түүний биений байдал олны анхаарлыг татаж эхэллээ. Клинтонь сурталчилгааны албанаас мэдээлж буйгаар терроризмын гашуудлын ёслолд тэрбээр 90 минут саатсаны эцэст гэртээ харьсан гэнэ. Түүнчлэн, Калифорни мужид болох сонгуулийн уулзалтаа ч эрүүл мэндийн байдлаас үүдэлтэйгээ цуцалсан гэдгийг түүний төлөөлөгч онцолсон байв.

Үерийн улмаас нас барагсдын тоо 133 болжээ

АНУ, БНСУ тэргүүтэй орнууд Пхеньяны цөмийн зэвсэг туршихаар бэлтгэж буй хэмээн хардаж байх зуурт тус улсын зүүн хойд хэсэгт үер бууж, олон хүний амь эрсдэйд байна. НҮБ-аас гаргасан тоон мэдээллээр өчигдрийг хүртэл тухайн бүс нутагт үерийн улмаас нас барагсдын тоо 133 болон нэмэгдэж, 395 хүн ор сураггүй болсонд тооцогдох болжээ. Хойд Солонгост хэдэн өдрийн турш хур тунадас их хэмжээгээр орсны улмаас үер бууж, түмэн гэх голын орчмын бүс нутаг дахь 107 мянга орчим хүн ор гэрээсээ дайжихаас өөр аргагүй болжээ. Түүнчлэн, 35500 байшин барилга эвдэрч гэмтсэнээс 69 хувь нь бүр мөсөн нурсан байна. Мөн нийтийн 8700 байшин эвдэрч сүйджээ. Үерийн гамшиг хөдөө аж ахуйн 1600 га газрын хамарсан байх бөгөөд хамгийн багадаа 140 мянган хүнд яаралтай тусламж шаардлагатай байгаа гэнэ.



ТАЛ НУТГИЙН ЦАХИМ МЭДЭЭЛЭЛ





MMINFO АПП
Тал нутгийн өдөр тутмын мэдээ мэдээлэл таны гарт...




МЭДЭЭЛЭЛ

ӨДРИЙН СУРВАЛЖЛАГА



Цоо шинэ савлагаа, цоо шинэ хиам

Энэ бол BERLIN брэнд

Гэрэл зургийг Г.АРГУУЖИН



Э.ЭНХЦЭЦЭГ

Монголчуудын өдөр тутамдаа хэрэглэдэг хүнсний гол бүтээгдэхүүн хиам гээд хэлчихэд хилсдэхгүй биз ээ. Өглөөний цай, өдрийн хөнгөн зууш гээд бид хиамыг хүнсэндээ өргөн хэрэглэх болсон. Тэгвэл бидний гол хэрэглээ болох мах, махан бүтээгдэхүүн буюу хиамны хэрэгцээг 1946 оноос хойш хангаж, түүхт 70 жилийнхээ ойтой золгож буй “Мах комбинат” буюу эдүгээгийн бидний мэдэх “Мах импэкс” ХК-ийн Хиам консервны үйлдвэр жил бүр хэрэглэгчиддээ шинэ бэлэг барьдаг. Саяхан тус компанийнхан малчдад төдийгүй иргэдэд хэрэгтэй хөтөлбөр хэрэгжүүлж буйгаамэдэгдсэн бол өчигдөр савлагааны шинэ үйлдвэрийн нээлтийн үйл ажиллагаагаа ёслол төгөлдөр хийлээ. Энэ жил 70 жилийн түүхт ойтойгоо золгож буй хүнсний ууган үйлдвэр “Мах импэкс” компанийн савлагааны шинэ үйлдвэрийн нээлтийн үйл ажиллагаанд олон хүндтэй зочид ирсэн юм. Тодруулбал, Монголын Хүнсчдийн холбооны тэргүүн, УИХ-ын гишүүн Д.Тэрбишдагва, Монголын Үндэсний худалдаа аж үйлдвэрийн танхимын Хүнсний үйлдвэрлэлийг дэмжих Зөвлөлийн дарга Л.Батнасан, Герман Монголын бизнес эрхлэгчдийн холбооны удирдах зөвлөлийн дарга Герхард Вакенхут, ХХААХҮЯ-ны Хүнсний бодлого, стратеги төлөвлөлтийн газрын дарга Т.Гантогтох, мэргэжилтэн Ц.Цэцэгдарь, Нэвтрүүлэлтийн төвийн захирал Э.Энхээ, БНСУ-ын Бусонг болон SNSS компанийн Монгол дахь салбарын захирал С.Сүх-Очир, ХБНГУ-ын Multivac компанийн Азийн бүсийг хариуцсан техникийн зөвлөх, инженер Wilfried Streubel, МХЕГ-ын Хил хорио цэрийн улсын ахлах байцаагч Г.Элдэв-Очир, БНСУ-ын Хилийн чанад дахь хөдөө аж ахуйг дэмжих газрын дарга Хун Сон Гү, Технологийн дээд сургуулийн Мах боловсруулах үйлдвэрийн дарга О.Зориг, “Баянгол” ХК-ийн Гүйцэтгэх захирал Х.Цэндбаяр нар хүндэтгэл үзүүлэн, хүрэлцэн ирсэн байлаа.

Савлагааны шинэ үйлдвэрийн нээлтийн ёслолын үйл ажиллагааг “Мах импэкс” ХХК-ийн гүйцэтгэх захирал Г.Будрагчаа нээж хэлсэн үгэндээ, “Манай компани энэ онд нэлээд хэдэн төсөл арга хэмжээг хэрэгжүүлэн ажиллаж байна. 2016 он гарсаар бид ХБНГУ-д зохион байгуулагдсан олон улсын мах махан бүтээгдэхүүний олимпоос Хиам консервны үйлдвэрийн хамт олон “Нүүдэл” брэндийн бүтээгдэхүүнээр алтан медаль, “Дээдэс” нэрийн бүтээгдэхүүнээрээ мөнгөн медаль хүртсэн амжилттайгаар түүхт ойн жилээ

утгаж байна. Түүнчлэн савлагааны шинэ үйлдвэр буюу 2014 оноос төлөвлөн хэрэгжүүлж байгаа хиамыг жижиглэн савлах төслийг танилцуулахад бэлэн болоод байна. Уг төслийн хүрээнд ХБНГУ-ын Мултивак болон Текстор компанийн хамгийн сүүлийн үеийн тоног төхөөрөмжийг суурилуулж, ашиглалтад оруулсан. Уг тоног төхөөрөмжийг суурилуулахад БНСУ-ын Бусонг болон SNSS компанийн хамт олон тусгай орчин бүрдүүлсэн.

Энэхүү савлагааны шинэ үйлдвэрийг байгуулахад дэмжлэг туслалцаа үзүүлсэн дотоодын болон гадаадын инженер техникийн ажилтнууд та бүхэнд хамт оныхоо өмнөө халуун талархал илэрхийлэе” хэмээсэн. Нээлтийн ёслолын үеэр савлагааны шинэ үйлдвэрийн талаар “Хиам консервийн үйлдвэр”-ийн Гүйцэтгэх захирал Б.Бадмаа танилцуулсан. Хиамыг орчин үеийн стандартын дагуу жижиглэж савлах төсөл одоогоос хоёр жилийн өмнө эхэлсэн бөгөөд өнгөрсөн хугацаанд судалгаа хийж, олон улсад зохион байгуулагдсан үзэсгэлэнд оролцож туршлага хуримтлуулжээ. Ингээд үндсэн таван бүтээгдэхүүнийг сонгож, савлахаар болсон бөгөөд хамгийн сүүлийн үеийн савлагааны тоног төхөөрөмжөөс гадна, бэлэн бүтээгдэхүүнийг савлах тэр ариун орчныг бүрдүүлэхэд ихээхэн анхаарал хандуулсан байна. Ийнхүү төслийн үйл ажиллагаа амжилттай эхэлж, ХБНГУ-ын Мултивак болон Текстор компани, БНСУ-ын Бусонг болон SNSS компанитай хамтын ажиллагааны гэрээ байгуулж, өнгөрсөн оны аравдугаар сараас ажилдаа ханцуй шамлан орж, эдүгээ шинэ савлагаатай шинэхэн бүтээгдэхүүнээ хэрэглэгчдийн гарт хүргэж эхлээд байгаа аж.

Цоо шинэ үйлдвэртэй танилцах зуур “Хиам консервийн үйлдвэр”-ийн Гүйцэтгэх захирал Б.Бадмаатай цөөн хором ярилцлаа. Тэрбээр “Энэхүү үйлдвэрийн тоног төхөөрөмжийн хүчин чадлын тухайд цагт нэг тонн орчим бүтээгдэхүүн зүсэх, савлах хосолмол ажиллагаатай, өдөрт 8-10 тонн бүтээгдэхүүн гаргах боломжтой. Үнэ өртгийн хувьд зөвхөн энэ машин тоног төхөөрөмж гэлтгүй орчныг бүрдүүлэхэд нэлээд хөрөнгө зарсан. Ойролцоогоор гурав орчим тэрбум төгрөгийн хөрөнгөөр энэхүү үйлдвэр бүтсэн. Өнөөдөр “Мах импэкс” компанийн шинэ үйлдвэрээс Берлин нэрийн таван төрлийн бүтээгдэхүүн зах зээлд гарч байна. Энэ таван төрлийн бүтээгдэхүүнийг шинэ савлагааны үйлдвэртээ зүсч, савлаж хэрэглэгчиддээ хүргэж эхлээд байна. Энэхүү савлагаагаар савласан бүтээгдэхүүнийг Европын улсад

40-60 хоног хадгалах боломжтой байдаг. Одоохондоо бид Монгол Улсынхаа стандартад захирагдаад хамгийн боломжтой хугацаа буюу долоо хоног хадгална гэж хадгалалтын хугацаагаа тавьчихаад байна” хэмээсэн юм.

Цоо шинэ хэмээн онцолсон Berlin брэндийн “Зүрхтэй чанамал хиам”, “Тахианы цэж махтай”, “Чанамал хиам”, “Тахайн гуяны махтай”, “Сармист утлагат хиам” хэмээн таван төрлийн хиамыг 200 граммаар савлажээ. Түүнчлэн савлагааны шинэ үйлдвэрийн нээлтийн үйл ажиллагаанд хүрэлцэн ирсэн хүндэт зочид сэтгэгддээ илэрхийлэхийн зэрэгцээ Мултивак болон Текстор компанийн тоног төхөөрөмжийг хослуулан хэрэглэж буйгаараа Монголд төдийгүй Азидаа анхдагч болж буй “Мах импэкс” компанийнханд талархаж буйгаа илэрхийлж байлаа. Үүний баталгаа болгож, ХБНГУ-аас Монгол Улсад суугаа Онц бөгөөд бүрэн эрхэт элчин сайд Штефан Дуппелийг төлөөлөн энэхүү ёслолын ажиллагаанд хүрэлцэн ирсэн Герман Монголын бизнес эрхлэгчдийн холбооны удирдах зөвлөлийн дарга Герхард Вакенхут баяр хүргэж, батламж гардуулсан юм. Мөн энэ үеэр БНСУ-ын Бусонг болон SNSS компанийн Монгол дахь салбарын захирал С.Сүх-Очир, ХБНГУ-ын Multivac компанийн Азийн бүсийг хариуцсан техникийн зөвлөх, инженер Wilfried Streubel нарт Монголын Үндэсний худалдаа аж үйлдвэрийн танхимын жуух бичигийг Хүнсний үйлдвэрлэлийг дэмжих Зөвлөлийн дарга Л.Батнасан гардуулсан. Шагналын хур үүгээр дууссангүй. Жижиглэн савлах үйлдвэрийн төслийг хэрэгжүүлж, хамт олноо амжилттай удирдан зохион байгуулсан тус компанийн технологич Б.Амарбаяр МЗХ-ны “Тэргүүний залуу” алтан медалийг “Хиам консервийн үйлдвэр”-ийн Гүйцэтгэх захирал Б.Бадмаа гардуулсан. Мөн ХБНГУ-ын Франкфурт хотноо болсон олон улсын мах, махан бүтээгдэхүүний үзэсгэлэнд “Мах импэкс” компанийн “Хиам консервийн үйлдвэр”-ийн хамт олон амжилттай оролцож, анх удаа монгол хиам, махан бүтээгдэхүүн дэлхийн нэр хүндтэй тус үзэсгэлэнгээс алт мөнгөн медаль хосоор нь авсан амжилтыг нь үнэлэн Монгол Улсын Ерөнхийлөгчийн зарлигаар тус компанийн ерөнхий технологич Р.Отгонд “Алтан гадас” одон хүртээснийг Монголын Хүнсчдийн холбооны тэргүүн, УИХ-ын гишүүн Д.Тэрбишдагва гардуулсан юм. Ийнхүү шагналун хур буусан цэлмэг сайхан өдөр цоо шинэ савлагаатай, цоо шинэ хиам Берлин брэнд хэрэглэгчдийн гарт хүрч эхэллээ.